

正寧縣志卷之七

祠祀志

陽曲折遇蘭佩湘氏撰

壇廟 附寺觀

崇德報功之典聖王所以神道設教自社稷山川百神及有功德於民者皆祀之即渺乎一隅而有其舉之莫敢或廢蓋一邑而境內之象具焉書曰至治馨香傳曰惟德是輔與斯典者奚以和神人格上下與若夫非所祭而祭之謂之淫祀淫祀無福其敢干大典以取戾

正寧縣志

祠祀

壇廟

一

先農壇 在邑西門外高二尺一寸寬二丈五尺藉田四畝九分壇後正房三間配房各一間正房中間奉

先農神牌東間貯祭器農具西間貯藉田米穀配房東間置祭品西間看守農民住居按禮記祭統云天子耕於南郊諸侯耕於東郊藉田應在東郊今設西門外非是

壇制 按春秋文義云天子之社廣五丈諸侯半之今



京師壇高四尺二寸寬五丈神牌高二尺四寸寬六寸座高五寸寬九寸五分紅牌金字書

先農之神其各省州縣壇制應高二尺一寸寬二丈五尺神牌如

京師式恭造

祀典

國朝雍正四年

詔直隸各省府州縣衛所行耕籍禮雍正五年奉旨頒行籍田壇位規制如右雍正三年禮部

## 正寧縣志

祠祀

壇廟

二

奏定直隸各省府州縣每歲祭

社稷壇用羊一豕一釧一籩四豆四簋二簋二其

先農壇祭品亦應照此例致祭前期致齋二日至日主祭官及各官俱穿朝服行三獻禮

耕籍禮儀

九卿穿蟒袍補服各用耆老一人牽牛農夫二人扶犁順天府廳官及大宛兩縣各官俱穿蟒袍補服捧箱播種各省各官俱穿蟒袍補服省城督撫秉耒知縣執青箱知府播種府城知府秉耒佐貳



執青箱知縣播種州縣正印官秉耒佐貳執青箱  
播種專城衛所亦同行耕時俱用耆老一人牽牛  
農夫二人扶犁照九卿例九推九返農夫終畝耕  
畢各官率耆老農夫望

闕行三跪九叩禮再查九卿農具赤色牛黑色子種箱  
青色各省農具牛箱照九卿例其子種隨各處土  
宜看守壇宇農夫免其差役酌給口糧每歲所收  
籍田米穀盡用過粢盛數目造冊報布政司送戶  
部 本西寧府志

## 正寧縣志

祠祀

壇廟

三

社稷壇 在邑西門外周二  
壇高二尺一寸寬  
二丈五尺

祭禮 祭以春秋二仲遇期主祭官行三獻禮餘官  
陪祭

祭品 見上

風雲雷雨山川壇 在邑西門外每歲春分秋分日  
祭主祭官行三獻禮餘官陪祭

祭品 與上同

厲壇 在邑西門外每歲春清明日秋七月十五日



冬十月一日奉城隍神主厲祭設無祀鬼神之位於壇下

文廟 在縣署東元至正初建明洪武二年知縣郭鈞重脩成化間同知李著增脩嘉靖間知縣馬存仁張國政樊克正教諭王正強晟相繼脩葺萬歷三年知縣張仲友重脩居人張紀置櫺星門石檻規制乃備

國朝順治十六年知縣王士麟修康熙三十六年知縣俞作霖繼葺雍正三年知縣蕭天華修乾隆二十五年知縣諸爲霖重修

## 正寧縣志

祠祀

壇廟

四

廟制

大成殿五間左右廡各七楹戟門三櫺星門三泮池一

祀典

漢高帝十二年詔祀以太牢諸侯王卿相至郡先謁廟而後從政

魏文帝初祀於辟廱改謚文聖尼父以顏子固配享北魏獻文帝詔郡縣立學祀孔子與周公並享太和



中乃詔宣尼廟別勅有司享薦

隋文帝詔國子寺每歲四仲月上丁釋奠州縣仲春仲秋釋奠

唐高祖詔立專廟太宗詔天下州縣皆立專廟塑像衣袞冕正南面之位

宋太宗詔立戟十六徽宗時又增門戟二十四

明洪武十四年首建大學十七年勅每月朔望祭酒以下行釋菜禮郡禮長以下詣學行香嘉靖九年始爲木主稱至聖先師孔子

### 正寧縣志

祠祀

壇廟

五

國朝順治二年定文廟謚號稱大成至聖先師孔子每歲仲春秋上下直省各府州縣衛一體致祭乾隆三年

命國學文廟用黃瓦

升配復祀增祀

國朝康熙五十一年升配朱子熹大成殿十哲之次

康熙五十五年江南學臣余正健疏

請宋儒范仲淹從祀准入兩廡

雍正三年復入鄭康成范甯從祀增入諸葛亮尹



焯陳淳魏了翁黃幹何基王栢趙復吳澄金履祥  
許謙陳澔羅欽順蔡清陸隴其十五人從祀

乾隆三年尚書銜徐元夢

請以有子升爲十二哲准升八殿內東旁卜子下移  
朱子於西旁顓孫子下是年復入蘧瑗林放秦冉  
顏何從祀增入縣直牧皮樂正克公都子萬章公  
孫丑從祀

乾隆六年頒定太學從祀諸賢諸儒神位及書寫  
字樣東西先後位次如左

### 正寧縣志

祠祀

壇廟

六

### 文廟四配

東配西向復聖顏子述聖子思子西配東向宗聖  
曾子亞聖孟子

### 十二哲

東哲西向先賢閔子冉子耕端木子仲子卜子有  
子西哲東向先賢冉子雍宰子冉子求言子顓孫  
子朱子

### 東廡

先賢蘧瑗澹臺滅明原憲南宮适商瞿漆雕開司



馬耕梁鱸冉孺伯虔冉季濬雕徒父濬雕哆公西  
赤任不齊公良孺公肩定鄒單罕父黑榮旂左人  
郢鄭國元亢廉潔叔仲會公西與如邾異陳亢琴  
張步叔乘秦非顏會顏何縣亶樂正克萬章周敦  
頤程顥邵雍先儒穀梁赤伏勝后蒼董仲舒杜子  
春范甯韓愈范仲淹胡瑗楊時羅從彥李侗張栻  
黃幹真德秀何基趙復吳澄許謙王守仁薛瑄羅  
欽順陸隴其

西廡

正寧縣志

祠祀

壇廟

七

先賢林放宓不齊公冶長公皙哀高柴樊須商澤  
巫馬施顏辛曹卹公孫龍秦商顏高壤駟赤石作  
蜀公夏首后處奚容蒧顏祖句井疆秦祖縣成公  
祖句茲燕伋樂欬狄黑孔忠公西蒧顏之僕施之  
常申根左邱明秦冉牧皮公都子公孫丑張載程  
頤先儒公羊高孔安國毛萇高堂生鄭康成諸葛  
亮王通司馬光歐陽修胡安國尹焞呂祖謙蔡沈  
陸九淵陳淳魏了翁王柏許衡金履祥陳澧陳獻  
章胡居仁蔡清



文廟祭器

宋徽宗定禮品一副內十籩十豆明初國子監用籩豆各十天下府州縣各八成化十八年加籩豆為各十二外府州縣各十嘉靖九年遵照初制國子監用十籩十豆天下府州縣籩豆各八

國朝因之計籩五百八十六豆如籩數白筐二十白磁爵二十九登一銅一十八簋一百六十四簋如簋數罇三爵一百四十七牲俎二十

文廟祭品

配哲廡見圖

正寧縣志

祠祀

壇廟

八

香燭酒牛

用純黑

羊豕鹿兔帛

正位用綾餘用絹練白色長一丈八尺

太羨實於登和羨實於銅黍稷實於簋稻梁實於簋形鹽藁魚棗栗榛菱茨鹿脯白餅黑餅實於籩韭菹菁菹芹菹笋菹醢醢鹿醢兔醢魚醢脾析豕栢實於豆

文廟樂器

麻幡二琴八瑟二搏拊二祝一敔一龍笛二鳳簫二笙四篪二塤二金鐘十六玉磬十六應鼓一排簫二



文廟樂章

迎神奏咸平之曲

有樂無舞

大哉孔子 祥徵麟紱

先覺先知 韻答金絲

與天地參 日月既揭

萬世之師 乾坤清夷

初獻奏寧平之曲

有樂有舞

子懷明德 俎豆千古

玉振金聲 春秋上下

生民未有 清酒既載

展也大成 其香始升

亞獻奏安平之曲

有樂有舞

式德莫愆 肅肅雍雍

升堂再獻 譽髦斯彥

響協鼓鏞 禮陶樂淑

誠孚壘麤 相觀而善

終獻奏景平之曲

有樂有舞

自古在昔 惟天燭民

先民有作 惟聖時若

皮弁祭菜 夔倫攸叙

於倫思樂 至今木鐸

正寧縣志

祠祀

壇廟

九

徹饌奏咸平之曲

樂作舞止

先師有言 禮成樂徹

祭則受福 毋疏毋賁

四海鬻宮 樂所自生

疇敢不肅 中原有菽

送神奏咸平之曲

樂作舞止

鳧繹峩峩 聿昭祀事

洙泗洋洋 祀事孔明

景行行止 化我蒸民

流澤無疆 育我膠庠

文廟佾舞

唐樂用宮縣舞用六佾明初用六佾成化十三年增

為八佾嘉靖九年仍為六佾

國朝因之

舞器



節二穗二翟十六簪十六千十六戚十六

### 舞容

辟雖八八六十四人頰宮六八四十八人用文舞  
謂夏翟葦簪也左手執簪右手秉翟

舞列六六三十六人分列東西兩階東西階舞容  
各異東階舞生面西則西階舞生面東東階舞生  
面東則西階舞生面西東階者左手左足舞蹈則  
西階者右手右足舞蹈背向疾徐俯仰綴兆皆成  
偶惟左籥右翟為陰陽定位不可變易此其略也


## 正寧縣志

### 祠祀

壇廟

十

文廟陳設圖






正寧縣志

祠祀

壇廟

土

十 二 哲





爵

簋


籩

豆

簋



四 配





豆

籩

簋


爵





庶東

庶西



籩




簋

豆

簠



牲俎



# 正寧縣志

## 祠祀

### 壇廟

### 士

以上各圖俱照頒定之式崇聖祠武廟倣此

### 儀注

省牲齋祝拜跪奠獻諸儀節俱照頒行壇廟儀注  
行

崇聖祠 在文廟西明嘉靖九年始勅建祠啓聖公

祠題稱啓聖公孔氏之位以先賢顏無繇曾點孔

鯉孟孫氏配先儒程珦張廸朱松蔡元定從祀萬

歷二十三年詔增周輔成從祀每歲春秋上丁日

繼文廟而祭之崇正元年詔分官同時祭陳設祭



品同至聖前惟不設太羹一登各配陳設同十哲  
從祀陳設同兩廡

國朝雍正元年追封先師五代以五世祖爲肇聖王  
高祖爲裕聖王曾祖爲詒聖王父爲啟聖王改啟  
聖祠爲崇聖祠以先賢顏無繇孔鯉曾點孟孫氏  
配先儒周輔成張廸蔡元定程珦朱松從祀

祭器

篚一簋二簋二鉶二籩八豆八罇一

祭品

正寧縣志

祠祀

壇廟

三

黍稷實於簋稻粱實於簋和羹實於鉶形鹽藁魚  
榛棗栗菱茨鹿脯實於籩菹苴芹菹醢醢兔醢菁  
菹笋菹鹿醢魚醢實於豆豕一豕一

配位祭器

簋一簋一籩豆各四

配位祭品

黍實於簋稷實於簋形鹽栗棗鹿脯實於籩菁苴  
芹菹兔醢鹿醢實於豆豕首一豕一羊一

從祀祭器



簠簋各二 籩豆各四

從祀祭品

黍豕肉實於簠 稷豕肉實於簋 形鹽粟棗鹿脯實於豆  
於籩菁菹芹菹兔醢鹿醢實於豆

忠孝祠 在城北街

節義祠 在城北街

武廟 在城西北

廟制

正殿三間 獻殿三間 大門一重

正寧縣志

祠祀

壇廟

古

祀典

宋崇寧元年進封忠惠公 大觀二年封武安王

明萬歷十八年封三界伏魔大帝

國朝雍正三年

勅封關帝三代公爵 每歲春秋并五月十三日祀以太

牢行三獻禮

祭器

登一簠二簋二鉶二籩豆各一罇一

祭品



太羹實於登黍稷實於簠稻梁實於簋和羹實於  
鉶形鹽藁魚榛栗棗茨菱鹿脯白餅黑餅實於籩  
蕝菹菁菹芹菹笋菹醢醢鹿醢兔醢魚醢脾析豕  
栢實於豆

關氏三公祀典

祭器

簠簋各二鉶二籩豆各八罇一

祭品

黍稷實於簠稻梁實於簋和羹實於鉶形鹽藁魚

正寧縣志



祠祀

壇廟

五

榛栗棗茨菱鹿脯實於籩蕝菹菁菹實於豆  
醢魚醢笋菹菁菹實於豆

城隍廟 在縣西街

廟制

正殿三間獻殿三間兩廡各六間二門一重大門  
一重

祀典

明洪武元年加以爵府曰公州曰侯縣曰伯至三年  
春革之是年夏六月詔各處城隍廟屏去雜神尋



定廟制如公廨以泥塗壁繪以雲山在兩廡者亦如之又詔守令之官與神誓於是乃增設寢室備冬夏衣冠具儀仗出巡如官府狀民爭供獻祈福宣德十年命有司到任先一日致齋於城隍廟用豨羊二牲祀之又每月朔望有司行香謁廟

國朝各省州縣奉城隍主厲祭每月朔望有司行香

八蜡廟 在邑西門外

甘節廟 在縣治西嘉靖九年爲御史景清建

趙公祠 在縣治南爲明叅議趙邦清建

## 正寧縣志

祠祀

壇廟

六

按他志率以文廟附入學校不知學以立教廟以崇聖宜專列不宜附見歐陽文忠公曰後之人不推所謂釋奠者徒見官爲立祠而州縣莫不祭之則以爲夫子之尊雖堯舜莫若何其謬論者歟今入文廟於祠祀所以存釋奠之義至考据典禮必窮源竟委寧詳勿畧昭慎重也小邑祀典未嫻不免因陋就簡茲自壇壝以及各廟一名一物必分析註明繪圖於後庶幾主祭君子執事諸生皆可倣而行之以免隕越敢曰誇多以侈觀美哉惟城



隍自唐宋以來賜封錫爵雜見羣書雖爲古制所無然事從俗禮從宜姑存而不論論而不議也可  
寺觀

文昌祠 原建東城樓上順治七年知縣焦象賢遷  
四牌樓上

魁星樓 在城東南隅順治七年知縣焦象賢建

二郎廟 在縣城後

三義廟 在縣城南

承天觀 在西關唐開元間建元宗夢羣仙見於羅

正寧縣志

祠祀

壇廟 寺觀

十七

底訪之於羅川縣東有老人引使者至洞口見白  
兔入穴掘之得玉真人像二十七因建此觀詳載  
碑記

泰山廟 在縣西南一里詳見勝景

萬壽寺 在縣治西明洪武間修內設僧會司

元帝廟 在縣東門外

龍王廟 在縣東門外知縣馬履端建

天妃廟 在縣北坡

崔府君廟 在縣城南二里



三官廟 在縣東三里

藥王洞二 一在縣北二里一在縣西北三里

太白廟 在縣西南六里

南竺寺 在縣東北二十里金太寶年建

雲寂寺 在縣東南十五里元至正九年建知縣鄭

津撰碑

玉皇廟 在縣東南十五里于家庄邑貢生趙大章

記云廟始於唐永徽五年學士燕國公于志寧建

明萬歷間時值歲旱吏部趙邦清曰茲廟有龍湫

### 正寧縣志



祠祀

壇廟 寺觀

六

焉雨可禱而得也率眾羅拜須臾大雨崇正年羣盜欲拆廟為薪一瓦方啓火從內出陰風怒號錚錚然如赴敵之聲羣盜怖悸而止

青帝廟 在新庄溝

東郭寺 在縣東二里山下

關帝廟 在縣東南十五里于家庄旁建趙公祠相

傳明季有賊舉火焚祠見帝自廟舉刀出賊退火

隨息

報恩禪寺 在縣東勾仁村五代齊阜昌二年建



關帝廟 在縣西山陽頭路口

興德院 在縣東四十里舊作興化院宋太平興國

四年建翰林扈學士有記

宏教院 在縣北二十里元時建

東閣寺 在縣城東二十里元至正間建

清虛觀 在縣上川六十里元至正二年邑人楊士

壽建

顯聖王廟 在縣東六十里要冊湫詳見勝景

日連寺 在縣東六十里要冊鎮南香爐山

正寧縣志

祠祀

壇廟 寺觀

九

